

2  
807. Philos.

DE  
CARTESIANIS  
&  
CARTESIANISMO

Brevis  
DISSERTATIO

Quam  
ANNUENTE SUMMI Numinis

Gratiâ

SUB PRÆSIDIO  
M. JOH. CHRISTOPHORI STURMII,

PHYS. ET MATHEM. P. P.

IN AUDITORIO MAIORI

Publicè defendet

GEORGIVS SEBASTIANUS KRAUS

NORIMBERGENSIS.

ad d. 31. Martii

M. DC. LXXVII.

---

ALTDORFFI

Typis Johannis Henrici Schönnerstædt.





DE  
CARTESIANIS  
ET  
CARTESIANISMO  
DISSERTATIO.

§. I.

**V**Sque adeo exosum est hodie Cartesianorum nomen, non Viris tantum Theologis ac Philosophis bene multis, sed integris quoque Collegiis & Academiis Germaniae nostrae, ut Cartesianus qui audit, gravi videatur multis umeri convitio. Neque nunc demum relcivimus, ab aliquot retro annis nos quoque Cartesiani mihi suspectos non solum quibusdam, malevolis nostris dicam, an aliunde præcipiti zelo correptis, sed &c, illorum instinctu procul dubio, Viris Patronis ac cæterà nobis faventissimis, fuisse, non forte nullis etiamnum esse. Quamobrem etsi nondum exciderat illud Epicetti, ἐπὶ δὲ ἀντιστοίχησι τοῦτο γάρ οὐκ ἔτ' ἐστοδύ, id tamen haec tenus agere, quoties occasio ferret, consultum duximus, ut eos nos non esse, quos alii finixerant, alii ab his seducti credebant, ipsâ re potius, quam verbis contentiole demonstraremus: non tam ut famâ nostrâ consuleremus quam læsam isto cognomento existimâssemus (si quid enim mali recondit omino sum Cartesii nomen [CARTESIUS, ex Amici cuiusdam lerido Anagrammatismo, SECTARIUS] id quidem falò nobis tribui, probè nobis eramus consci; si quid boni, id displicere non poterat) quam ut obstacula ista, quæ sub arcendi Cartesianismi prætextu Philosophiæ nostræ cursum inhibere quoquo modo posse videbantur, lentè ac modeste removere emus. Nec malè cessit istud consilium, cum id saltem obtinuisse nobis videamur, ut, Unis Aristotelis hypothet-

tus circa res naturales adquiescere nos nec posse nec velle, sed & Cartesianæ Scholæ juratos ac prorsus addictos sive esse sive haberī nolle, palam sit. Quod effecisse cūm satishabemus nobis, animum tandem incessit lubido id nunc demum agendi, quod ad excutiendam omnēm istām suspicionēm jam pridē ac utiliter egissemus, siquidem ea nos adeō anxios habuisset atque sollicitos; de *Cartesianis* videlicet & *Cartesianismo* publicā dissertatione mentem nostrā ingenuē & candidè aperiēndi.

## II.

I.  
*Cartesiani primo modo di-  
sti.*

Quod ut distinctè fiat ac dilucidè, *Primo* quidem omnium, ac præcipuè *CARTESIANORUM* nomen ii merentur, qui Philosophia fux Ducem ac Magistrum venerantur unum *Cartesium*, ex hujus unius scriptis sapiunt, hunc, ut olim Peripatetici suum *Aristotelem*, Philosophum secundum excellentiam salutant, hujus decretæ & effata tanquam oracula allegant, ejus omnia adversus omnes acerrimè propugnant, commentariis illustrant, immodiæ laudibus extollunt; verbo, *Stagireæ Tyrannidis jugum excusisse visi*, imò gloriati, Perronico dominatui colla subdunt, ita Philosophiam quidem aliam sed eodem, h. e. æquè servili philosophandi more, sectati: quales equidem & habuit antehac quamplurimos, & habet etiamnum multos, *Cartesianæ Philosophiae* fides & quasi natale solum, *Batavia*.

## III.

Enimvero, quemadmodum ab ea ætate quæ maturiore nos ac libero magis judicio momenta rerum ponderare concessit, persuadere nunquam animo nostro potuimus, fuisse per rerum natu-ram & summi Numinis inexhaustam bonitatem possibile, ut unus *Aristoteles*, homo gentilis (ut cætera taceam) iis ingenii dotibus fuerit instructus, quibus omnia Rationis humanæ Naturæ ar- cana penitissima excutere ita valuerit, ut ipse folus ac primus, non folūm post tot insignes tot seculorum Philosophos gentiles, sed & ante Christianos omnes, alioquin eorum etiam revelatione, quæ rationi erant imperscrutabilia, dignos habitos, non dicam rerum naturalium scientiam & principia infallibilia, sed universam Philo-sophiam ita per scripta sua digereret, ut labor alius rectè sobrieq; philosophaturæ posteritat̄ non super esset, quām sensum obscuri-ū plerumque dictorum, vel potius velatae de industria, & multo labore redimendæ, veritatis mysteria, rimari, commentarios ac inter-

interpretes evolvere, & ab eruta tandem gentilis magistri sententia ne latum quidem unguem recedere: ita, si maximè *Cartesius*, ex innumeris hoc nostro & vno doctissimis Viris, Aristotelicæ Philosophiæ defectus ac errores, in Philosophia Naturali præsertim palpabiles, etiam ante ipsum satis agnoscendibus ac fundamenta solidiora anxie desiderantibus, sapientissimi *Verulamii* scientiarum augendarum & restaurandarum consilia tacite securus, à Peripato secessionem publicam & solemnem facere primus ferè ausus, & sub novæ Philosophiæ specie priscorum Philosophorum, suppressas ab Aristotele aut depravatas, opiniones non revocare tantum, sed ingeniosis suis commentis exornatas, ac penè suas factas, in Systema quoddam novum, mirâ certè brevitate & conclusionum, ex paucissimis principiis aliarum alias magno numero consequentium, multitudine, concinnare conatus sit; eum unum tamen nondum credimus inaccessum per tot secula verum sic è profundis ignorantia tenebris eruisse, Naturæ thesauros hactenus absconditos omnes in lucem ita protraxisse, aut (quod unum arrogare ipsem sibi videtur, asseclis ejus ipsi multò majora tribuentibus) ea saltem jecisse Philosophiæ fundamenta & his superstruxisse *Deognitata*, ut nihil nunc restet, quam ut in consummatos evasuri Philosophos cum *Cartesio* de rebus omnibus dubitare, dein ex hac ipsa dubitatione, ne quidem obstinatissimo Sceptico neganda, sui ipsius primùm, inde Summi ac Optimi Numinis existentiam, porrò sensuum ratione munitorum non amplius dubiam fidem ordine deducere, ac iis denique conclusionibus, quas de cœli terræque phænomenis præcipuis, è materia seu corporis explorata sollicitè natura, ordine nexuque non ingrato, speciosè deducit, assentiri, causamque adeò effectui cuivis obvio eam assignare, quam *Cartesius* è suis principiis non raro ingeniose magis quam verè derivat, aut intactam ex ipsis solis proprio Marte derivare, allaborent.

## IV.

Certè, ut magnam deberi laudem magnis istis ausibus non diffiteamur, & vidile quædam, imò multa, *Renatum*, ad quæ Superiora secula (iis quippe mediis organisque, quæ ipsi & coævis Philosophis oculos aperuerant, destituta) cæcutierant; essent tamen & hodie experimenta nova non pauca, ipsi nondum nota, quæ positis ab eo principiis & grè accommodaveris; & sunt quoq;

impro-  
bantur.

ex vulgatoribus, olim nescio cui Vacui lugae adscribi solitis , quo-  
 rum causa nunc multò verior ac evidentior redditur , quæ quæ  
 ab ipso in Principiis indigitata , & in Epistolis distinctius exposita,  
 Part. I.J.  
 n. XXXIII. nobis etiam antehac magnâ verosimilitudinis specie arrisit.  
 Part. II. Epist. XXXII.

Ostendit pridem Celeberrimus *Sylvius* , ac pronuper adhuc evi-  
 dentius Experientissimus *Lovverus*, eum quem Cordi Musculisq;  
 in corpore animali motum assignavit Cartesius , longè aliter se  
 habere & cum Anatomia experimentis nequaquam consentire ,  
 similesque defectus alii, ex nimia confidentia in proprio ingenio  
 oriundi , hodienum deteguntur: in primis autem , quem nuper  
 admodum in lucem dederunt ejus discipuli , *Tractatus de Fœtus*  
*Formatione posthumus* , plurima habet à veritate nostro judicio  
 alienissima & Cartesiano ingenio ne digna quidem. Nec aliam  
 tam sterilis in hoc negotio philosophiae causam videmus , quam  
 alium ejus errorem nunquam excusandum , cùm nullas unquam

Princip. Part. I.n. XXVIII. rationes circa res naturales à fine , quem DEUS aut natura in iis  
 faciendis sibi proposuerit , desumi voluit. Nunquam etiam as-  
 sentiri potuimus iis , quæ loco non uno urget de necessitate vel  
 utilitate fictitiæ & falsæ , ut ipse fatetur , hypotheseos , quæ terram

Partic. III. e.g. & Planetas omnes è stellis fixis maculolo cortice obscuratis  
 Princ. num. gignit ; quæ item de Cometarum caudis habet , Viris doctis benè  
 XLV. CXL. multis coacta nimis & quæsita jam pridem visa , & id genus alia  
 Part. IV. sub initium. non pauca. Itaque jam dudum animum ita nostrum induxi-  
 mus , & sic fuit nostra sententia : Nec unius Aristotelis , nec unius  
 Cartesii fuisse , aut futurum esse ullius unquam hominis , Natur-  
 lium saltem rerum scientiam ita condere absolutam & perfecto  
 Systemate complecti , ut plurima seræ cuivis posteritati quæren-  
 da & investiganda non sint superfutura , quædam etiam ex accu-  
 ratiорibus indies observationibus ac novis Naturæ Phænomenis  
 subinde corrigenda , aliqua prorsus rejicienda ac melioribus per-  
 mutanda : ut ita , cum inexhaustam videamus admirandorum  
 Naturæ multititudinem , eorundemq; absolutam omnibus numeris  
 scientiam nulla sperare secula posse non immerito existimemus ,  
 eos necessario mileros oporteat esse , nostro judicio , Philosophos ,  
 qui vel *Aristotelici* vel *Cartesiani* esse , hactenus explicato sensu ,  
 perrexerint.

## V.

Neque verò vel *Aristoteles* vel *Cartesius* id exigere à disci-  
 pulis

pulis suis citra manifestam iniquitatis notam poterant, quod ipsi  
met suis Præceptoribus denegarunt, dum alter per integros no-  
vem annos magno conatu dedisce allaboravit ea Philosophie-  
mata. quibus imbutus ab ineunte ætate fuerat; alter vero, ingra-  
tior etiam, testibus è medio Peripato multis, discipulus, Magistri III. p. m. 8.  
statuta non negligere tantum ac deserere, sed depravare quoque  
& in pejorem partem interpretari, non erubuit. Nec arrogasse  
eam sibi dictaturam Aristotelem crediderim, qui non exemplo  
tantum suo, sed expressâ quoque regulâ contrarium suos edocue-  
rat, δειν ἐπὶ σωτηρίᾳ γε τῆς ἀληθείας καὶ τὰ σικεῖα ἀναισχεῖν, ἀλλωστε καὶ Eth. ad Ni-  
φιοσόφους ὄντας. ἀμφοῦν γάρ ὄντοι φίλοιν, οἵσιον προτίμων τὴν ἀληθείαν. h. e. com. Lib. I.  
Oportere pro conservatione veritatis etiam propria tollere, præser-  
tim vero eos qui Philosophantur. Ambobus enim amicis existenti-  
bus (sicilicet, ut Andronicus Rhodius interpretatur, τῆς τε ἀληθείας  
καὶ τῆς περὶ τῶν ἴδεῶν εἰπόντος) Sanctum esse principem locum tribuere  
veritati. Evidenter autem hoc ipsum è Metaph. A. min. prin-  
cipio colligitur, ubi fatetur de contemplatione veritatis, circa res  
naturales præcipue, μήτε δέξιας μηδέτε δύνασθαι τυχεῖν ἀυτῆς, μήτε  
πάντας ξεπονγχάνειν, ἀλλ' ἔκαστον λέγειν τι περὶ τῆς φύσεως, καὶ καθ' ἑταῖρον  
μηδὲν ἢ μηχανὸν ἐπιβάλλειν ἀυτῇ εἰς πάνταν δὲ συναρποζομένων γιγνε-  
σαι τι μέγεσος. h. e. Neg. dignè quempiam ipsam consequi posse (sol-  
lum puta) nec univerfis etiam aberrare, sed quemq; de Natura  
aliquid dicere, & singulos quidem (NB.) nihil aut parum ad ipsam  
conferre; ex omnibus autem congestis magnitudinem aliquam emer-  
gere.

Cartesius equidem hoc sibi loco non uno arrogat, ea se inve-  
nisce veræ & fanioris Philosophiae Principia, quæ excolendo quam-  
plurimas veritates, quas ipse non explicuerit, alii sint detecturi, “  
atque ita paulatim ab his ad illas progrediendo, ad perfectam to-“  
tius Philosophiae cognitionem summumque Sapientiæ gradum“  
cum tempore perventuri &c. fatetur tamen statim, effluere posse“  
multa secula, antequam ex istis principiis omnes veritates deduc-  
ctæ fuerint, quæ deduci inde possint, quia ex eis, quæ inveniendæ  
restent, maximam partem dependeant à particularibus quibus-  
dam experimentis, quæ nunquam castile sint oblatura, verum ab  
hominibus sagacissimis cum cura & sumptu indaganda: Fatetur  
alibi, exiguum id quod eo usq; didicerit, nihil fere esse præ eo quod  
ignores — ingenia in orbe esse posse quæ suum multis para-  
Dissert. de  
Meth. num.  
cap. VI.  
Præf. Prince.  
Dissert. de  
Meth. p.  
m. 41.

*ibid. p. 42.* gis superent: Eos denique, qui Duces ac Præceptores suos etiam superare non student, hederæ similes esse dicit, quæ nunquam contendat altius ascendere quam arbores, quæ ipsam sustinent. Et quamvis videri queat Heinrico Regio succensuisse in Præf. Principiis præfixa & in Epistola quadam ad Palatinam Principem perscripta, quod is, in Metaphysicis præsertim, ab ipso dissentiret, ac cæco impetu contradiceret; attamen ex adverso, id quoque eodem loco improbat, quod cæco assensu sequatur Regius, quicquid ipsum sentire arbitretur de iis omnibus, que vel Physicam vel Medicinam spectant; et si plerumque & sensum ipsum principiorum, non satis perceptum, & methodum argumentorumque ordinem pervertat. Alibi vero, cum in eo esset Senatus Ultrajectensis, Voëtii & aliorum impulsu sua luque, ut Principiis Philosophiae Cartesianæ porrò publicè docendis Regio per Decretum publicum interdiceret, hæc primum consilij loco ad hunc transcripsit: *Cæterum obsequere accurate ac leto animo iis omnibus, quæ Tibi à Dominis tuis prescriventur, ut certus, ea Tibi dedecori nullo modo esse posse; deinde vero cum ipsa re, quod metuerant, evenisset, Quantum ad decretum tuorum Dominorum, scribit, nihil mitius, nihil prudentius mihi videtur ab iis fieri potuisse, ut scilicet se collegarum tuorum querelis liberarent: Tu, si mibi credis, ipsis quam accuratissimè atq[ue] etiam ambitiosè obtemperabis, docebisisq[ue] tuam Medicinam Hypocraticè & Galenice, & nihil amplius. Si quis studiosi aliud à Te petant, excusabis Te perhumaniter, quod Tibi non liceat &c.* Equibus hoc saltem elucet, non fuisse propositum Cartesio Philosophiam suam impetuosiùs obtrudere nolentibus, aut, qui Sectariorum aliqui mos est perniciössimus, eam dogmatibus suis autoritatem ac necessitatem arrogare, ut pro iis, tanquam pro aris & focis pugnari vellet; cum contrarium suis manifeste suaserit.

## VI.

*2.*  
*Cartesia-*  
*n Secundo*  
*quoq[ue] vo-*  
*cis signifi-*  
*catu* Ad cætera vero paulatim ut progrediamur, illi *Secundo loco* præcipue mereri Cartesianorum nomen communiter judicantur, qui Renati Des Cartes dogmati quasi characteristico, *de Dubitatione, subscribunt*, quod unum omnem istam invidiam Cartesianæ Philosophiae confuisse non immerito quis dixerit; quandoquidem infensissimi ejus hostes nullibi inveniunt, quod exagitent magis & impugnant quam Meditationum Metaphysicarum caput

put & initium, quo perlecto plerumque Viri Cordatores quoque, maximè verò ii qui aliorum de Cartesio judiciis præoccupati alieniore paulum animo lectionem illam adgrediuntur, absterrerit statim in limine solent, ut reliqua ne digna quidem lectu existiment. Etenim in prima illa Meditatione dubiam facere & fallacem conatur omnium sensuum certitudinem, ipsa quoque principia Geometrica & Arithmetica sollicitat, eum se fortè à DEO potentissimo factum fingēns, ut, quamvis nulla esset terra, nullum cœlum, nulla figura, nulla magnitudo, nullus locus, hæc omnia tamen sibi non aliter, ac nunc, viderentur existere; aut potius à maligno quodam genio, eoque summe potente & callido, ita se fortè deludi: considerat seipsum tanquam manus non habentem, non oculos, non carnem, non sanguinem, non aliquem sensum; imò non repugnaturum se, ait, iis, qui fortasse malent negare tam potentem aliquem DEUM, quām res alias omnes credere esse incertas, totumque hoc de DEO daturum esse fictum, ac mansurum denique obstinatè in hac meditatione defixum &c.

## VII.

Ita verò si revera dubitavit *Cartesius* ac serio, veniuntque *Cartesiani* dicendi ii, qui cum ipso etiamnum fallacem omnem sensuum cognitionem supponant, utrum cœlum aliquod, aut terra, aut DEUS, existat, nedum quidem certi &c. tantum abest, ut inter *Cartesianos* connumerari vellamus, ut eos potius bipedum omnium stolidissimos, plusquam Scepticos, Solos Athenos, omni jure meritoque essemus pronunciaturi ætatemque habituri: Imò, cùm verissimè JOH. MUSÆUS, Magnus Theologus, judicaverit, *Cartesianos* ista quidem fingere posse: intellectui autem, ut serio sic judicet & statuat, persuadere, aut speciebus rerum sensibilium inde ab aliquot annis sensuum interventu ipsi impressis, eum exuere minimè posse, hoc sensu *Cartesianum* neminem unquam fuisse judicamus, neque adeò nos, si vellimus maximè, in eorum censem venire posse. Quamobrem tanto facilius nobis persuademus, ipsum quoque *Cartesium* isthæc animo suo nunquam serio voluisse; maximè cùm in fine Synopseos, immediate Dubitatem illam Meditationem antecedentis, expressis verbis, revera mundum aliquem esse, & homines habere corpora & similia, iis accenseat, de quibus (NB.) nemo unquam sana mentis serio dubita-

*rejectionem  
tur cum  
Dubitatione sua.*

*Introd. in  
Theol. cap.  
II. p. 75.*

*dubitavit*, ac inter medias dubitationes suas fateatur quasi indignabundus, nisi se ipsum fallat, & obstinata voluntate falsas & imaginarias fingat pristinas de rebus sensibilibus opiniones, non posse se desinere iis assentiri & confidere, quippe revera talibus,

Med. I. pag. m. 8. *ut aliquo quidem modo dubiæ sint, sed nihilominus valde probabiles,*

*& quas multò magis rationi consentaneum sit credere, quam negare;* tandemque sub finem Meditationum, è demonstratis interim ac deductis ab indubio, quod inter medias dubitationes cæteras repererat, principio conclusionibus, hanc ultimam ipse porrò, tanquam corollarium inferat: *Hyperbolica Superiorum dierum dubitationes ut risu dignæ sunt explodende.* Quin & ubi methodum

Dissert. de Meth. pag. m. 24. *tuam prolixè exponit, iorum omnium, ait, quod in mundo sint fidera, terra & similia, est certitudo, ut Philosophi loquuntur, moralis, quæstanta est, ut nemo, nisi deliret, de iis dubitare (NB.) posse videatur;*

Not. ad Re. glii Program. m. p. m. 189. *Alibi verò paulò commotior, imperitos Calumniatores appellat, qui se dixissent docuisse DEUM esse negandum, vel ipsum nos decipere, vel de omnibus esse dubitandum, vel fidem & sequ.*

*" omnem sensibus derogandam, cum ea omnia verbis expressissimi mis rejecerit, validissimisque argumentis refutariet, idque ut commodi & efficacius prætaret, initio meditationum suarum ista omnia tanquam dubia propounderit, non à se tamen primum inventa, sed à Scepticis dudum decentata: nihil adeò iniquius esse posse, quam tribuere alicui Scriptori opiniones, quas eo tantum fine refert, ut refutet; nihil ineptius, quam fingere, saltem illo tempore, quo istæ falsæ opiniones proponuntur & nondum refutantur, eas doceri, atque ideo illum qui refert Atheorum argumenta, esse Atheum temporarium; nihil puerile magis quam dicere, si moriatur interim, priusquam speratam suam demonstrationem scriperit vel invenerit, eum Atheum moriturum &c. Istas quidem falsas opiniones non retulisse se tanquam alienas sed tanquam suas, id verò ideo quod hoc exigeret stylus meditationum; in eodem libro quo ipsas retulerit, omnes se refutasse, atque ex ipso libri titulo potuisse intelligi se ab iis credendis esse planè alienum, cum in eo demonstrationes de existentia DEI prominantur: nec esse quemadmodum stolidum posse, ut existimet, eum, qui tam librum proponit, ignorare dum primas ejus paginas exarat, quid in sequentibus demonstrandum suscepereit &c.*

## VIII.

Quod si ergo *Cartesius* i. In Med. illa prima ac Philosophia<sup>e</sup> quo-  
 fu<sup>x</sup> principio serio non dubitavit, nec alios dubitare voluit, imo <sup>dammodo</sup>  
 ne quidem posse credidit, intellige quoad usum vitæ ac certitudi-  
 nem moralem aut Physicam (quod iterum inculcat Dissert. de li.  
 Meth. p. 20. in Resp. V. p. 57. 58. Resp. VII. p. 83. & Princip.  
 Part. I. Artic. III.) sed 2. omnem illam suam dubitationem ad ve-  
 ritatis contemplationem retulit & ad summam ac metaphysicam  
 evidentiam, quæ Scepticos etiam convincat (Dissert. de Metho-  
 do p. 21.) excipiens etiam 3. res fidei, quæque ad pietatem & ge-  
 neraliter ad mores spectant, expressis verbis (Dissert. de Meth.  
 p. 18. Relp. IV. p. 135. Resp. VI. p. 93.) & 4. dubitandi rationes „  
 non nisi tanquam verosimiles proposuit, ac in eum tantum finem, „  
 ut lectorum partim animos præpararet ad res intelle<sup>c</sup>tuales con- „  
 siderandas illasque à corporeis distinguendas, partim, ut ad ipsas „  
 in sequentibus Medit. responderet (quod ipso facto quoque præ- „  
 stit) partim etiam ut ostenderet quām firmæ sint veritates quas „  
 postea proponuit, quandoquidem ab ipsis Metaphysicis dubitationi- „  
 bus labefactari non possint; verbo, ideo illas proposuit, quod pu- „  
 taret, se non magis ipsas omittere potuisse quām Medicinæ Scri- „  
 ptor morbi descriptionem, cuius curandi methodum vult docere „  
 (prout hæc totidem verbis ad quandam adversariorum suorum  
 prescribit, qui plus ipsi quām vellet concederat, ac rationes illas  
 dubitandi non verosimiles tantum aut speciosas, sed veras pror-  
 fus judicabat, id autem in eo culpare videbatur, quod vetera pro-  
 novis suis speculationibus publicaret;) Porro vero 5. sic dubitan-  
 do, non voluit quæ vera erant, aut esse poterant, pro falsis haberri,  
 sed potius, nec affirmando nec negando eorum quippiam, inter-  
 im dum ex indubio prorsus principio illa deduxisset, judicium su-  
 spendi, nec eorum majorem haberi tum quidem rationem, quām  
 si planè falla essent &c. (Relp. VII. p. 84. & Epist. ad Instantias  
 Gassendi p. 143.) Quod si, inquam, hos inter aliosque plures,  
 quos passim in ejus scriptis observare licet, limites coarctet dubi-  
 tationem suam *Cartesius*, fatemur equidem eas absurditates ac  
 nefanda crimina, quæ à quibusdam ejus adversariis ipsi objecta  
 sunt, in ea nos reperire non posse: maximè cùm *Socrates*, *Plato* &  
*Aristoteles*, teste quoque *Reinero Vogelsang* Adversario *Cartesia-*  
*næ Philosophiæ* acerrimo, longè ante *Cartesium*, & eodem modo,

Obj. & Resp.  
III. p. 92.

Indign. justa  
contrà Exerc.  
Parados.

modo, quamvis non ita præstigiole (ut loquitur *Reinerus*) aut (ut *Cartesius* ipse) hyperbolice ut risum illæ dubitationes postea merentur, dubitaverint; adeò quidem ut ægrè ferat laudatus *Vogelsang*, *dubitatem*, quæ pertinere dicitur ad initiationem Philosophi tam procaciter audire *Cartesianam*, & cur non potius *Socraticam*, aut *Platonicam*, aut *Aristotelicam*, vel, si vetera forte nomina fordeant, *Verulamianam*.

## IX.

**Neutiquā tamen ne-cessaria** Attamen, utcunque non adeò absurdum nobis aut impium, uti quibusdam aliis, videatur *Cartesianum* hoc dubitandi consilium; non videmus tamen tantam ejus, vel utilitatem vel necessitatem, quantam equidem ejus discipuli pafsim inculcant, imò ipse quoque non obscurè afferit loco non uno, præcipue in Resp. IV. „ p. m. 135. ubi ad monitum Doctoris cuiusdam Sorbonici, qui „ prudenter certè præviderat fore ut offendat quosdam liberior illa „ *Philosophandi ratio*, quâ omnia re vocantur in dubium, maximè „ cùm Author ipse fateatur in Methodo, mediocribus ingenii hanc „ viam esse periculosam, ideoque præfatiunculâ quadam muniri „ debere Meditationem illam, judicaverat, quâ (ut in *Synopsi ex parte* jam factum esset) significaretur, de iis rebus seriò non dubitari, sed ut iis aliquantisper sepositis, quæ vel minimam & hyperbolicam, ut Author ipse vocat in alio loco, dubitandi occasio nem relinquunt, aliquid ita firmum & stabile reperiri possit, ut de eo ne pervicacissimo quidem liceat tantillum dubitare &c. inter coetera sic respondet: *Neḡ dici debet rectius me facturum fuisse si abstinuisset ab iis scribendis, à quibus legendis permulti debeant abstinere;* (NB.) *Tam necessaria enim existimo, ut sine ipsis nihil unquam firmum & stabile in Philosophia statui posse, mihi persuadeam.* Nunquam, fatemur ingenuè, videre potuimus necessitatem illam, nisi fortassis eo uno casu, quo cum exquisitissimo Sceptico cuiquam esset negotium, atque adeò, ut è concessis cum ipso disputaretur, (is autem nihil eorum quæ alias principiorum loco habentur concederet) initium ab ipsa ejus dubitatione generali capessendum. Quamvis, si dicendum quod res est, ne tum quidem opus esset cum apparatu tanto ac tam operole rationes dubitandi comminisci, uti quidem fecit *Cartesius*, sed, si experientiam omnem, omnia sensuum testimonia in dubium vocaret adversarius pertinacissimus, ea suo loco relinquere sufficeret, tanquam

quam controversa tunc & non concessa , & ab eo facere philosophandi initium, quod unum antagonista non posset non concedere: ipsum scilicet dubitare de ipsis omnibus , & consequenter , si vel maximè dubia ponatur in ipsius gratiam cœli, terræ, corporis nostri, cœterorumq; existentia, ipsum tamen ita dubitantem necessariò aliquid esse &c. Quod si verò sic procedere cum Sceptico licet , multò minus aliàs , si quis ea , quæ nondum naturâ ætate à nutribus , coœvulis , Præceptoribus denique fuerat edoctus . subactiore aliquando judicio perpendere , jactisque quasi de integro fundamentis Philosophiam ac Scientiam immotam magis superstruere , constituerit ; multò , inquam , minus opus erit hyperbolicâ illâ & metaphysicâ dubitatione , sed præjudicia cavere , h. e. Vulgi traditiones ac testimonia nobis à pueris inculcata tantisper seponere , Scholarum etiam dogmata eo usque percepta & experimenta sensuum , confusiūs ac obiter capta , non tanquam falsa statim promiscue & repugnante mentis judicio rejicere , sed , ut examinanda considerare , atque adeò in progressu nihil eorum , nisi junctæ sensibus rationis cautum ac circumspetum examen prius sustinuisse , principii loco admittere , sufficerit . Neque videmus , quid porrò urgere Cartesiani , pro universalis dubitatis suæ necessitate , queant , nisi , quod præjudiciadie modo exire ac deponere sit res adeò ardua & difficilis , ut ultra limites entendum & iniquum postulandum sit , si æquum obtineri velit : cui aliud quidem hac vice nihil reponimus , quam exempla Virorum Philosophorum hujus ævi famigeratissimorum , qui magno numero hodie hauistis ab ineunte ætate & imbibitis quasi principiis lese liberarunt , ac , spretâ nunc autoritate omni , soli veritati feliciter litant ; experimenta nulla , nisi pluribus tentata vicibus , & cum eodem successu , & ex omni parte circumspetissimè tractata , admittunt , nulla principia , nisi quæ clarissimè mentis oculo alludent , pro veris ac indubiiis habent ; in cæteris , ubi talia nondum suppetunt , hypothesibus ingeniosis contenti , & è pluribus eam , quæ cuique videtur optima , feligentes .

## X.

Neque verò necessarium tantum negamus , sed & periculosum esse credimus excessum illum dubitandi Cartesianum , si quem infirmioris animi , aut ingenii mobilioris , hominem in istas incidere tricas contingat . Nec potuit certè Cartesii perspicax

Vid. Synops.  
Medit. Cart.  
sub init.

ingenij nō hoc ipsum nō prævidere, aut monitum ab aliis negare?

Resp. IV. p. 118. Ideo ad ea quæ Doctor Sorbonicus loco suprà allegato monuerat, ipsum in Dissert. de Methodo fateri, mediocribus ingenii hanc viam esse periculolam, nihil aliud quām hoc respondet: *Et quamvis ignis & ferrum ab imprudentibus aut pueris sine periculo non tractentur, quia tamen utilia sunt ad vitam, nemo est qui putet idcirco ipsis esse carendum.*

Locus autem, ad quem Sorbonicus ille Doctor respexit, extat Dissert. de Methodo p. m. 9. qui totus excrribatur certè dignissimus: *Et quamvis, inquit Cartesius, quia meum opus mihi ipsi satis placet, ejus exemplar hic vobis proponam, non ideo cuiquam author esse velim, ut simile quid aggrediatur: Poterunt fortassis alii, quibus DEUS præstantiora ingenia largitus est, majora perficere; sed vereor, ne hoc ipsum, quod suscepisti, tam arduum & difficile sit, ut valde paucis (NB.) expeditat imitari.* Nam, vel hoc unum, ut opiniones omnes quibus olim fuimus imbuti, deponamus (NB.) non unicuique est tentandum. *Et maxima pars hominum sub duobus generibus continetur, quorum neutri potest convenire.* Nempe permuli sunt, qui cum plus aequo propriis ingenii confidant, nimis celeriter solent judicare, nunquamq. latis temporis fibi sumunt ad rationes omnes circumficiendas, & idcirco (NB.) si semel ausint opiniones omnes vulgo receperas in dubium revocare, & velut à trita via recedere, non facile illi semita qua rectius dicit semper insistent, sed vagi potius & incerti in reliquam vitam aberrabunt; Alii verò ferè omnes, cum satis judicii vel modestia habeant, ad existimandum, non nullos esse in mundo qui ipsos sapientiam antecedant, & à quibus possint doceri, debent potius ab illis opiniones quas sequuturis sunt percipere, quām alias proprio ingenio investigare. Quæ cùm ita sint, incautiū certè ac imprudentius, vel ipsius Cartesii judicio, agunt ex ipsius discipulis ii, qui dubitacionibus illis intempestivis cathedras & auditoria compleant, animoque auditorum suorum solicitant & intricant, quos ad alterutrum, arcendorum inde ex Cartesii præscripto, genus plerumque pertinere, latis experimur. Nos certè, quibuseam inire viam ipsi metu nunquam collubuit, nec voluimus haftenus, nec velutius imposterum, Auditores nostros hoc etiam sensu esse Cartesianos.

## XI.

De iis autem quid nunc dicemus, quos hodie vel maxime  
Carte-

*Cartesianorum* nomine novo prorsus consilio compellant multi,  
 non ut ipsis probrosum eveniat Sectarium nomen, sed ut huic po-  
 tiū ex illorum malitia novus invidiae cumulus adcrebat; de iis,  
 inquam, qui *Cartesianam Philosophiam* magnis laudibus publicè  
 extollentes, ejus interim limites ausu temerario supergressi, SS.  
 Theologiæ pomæria turbulenter involant, &, vel abusi hoc aut  
 isto *Cartesii* effato, fidei simplicitatem turbant, vel, quod pejus  
 multò, conceptas pridem mente blasphemias & execranda dog-  
 mata in publicum evomunt, quibus *Cartesii Philosophia* ne api-  
 culo quidem uno aut favit unquam aut occasionem nascendi præ-  
 bere unquam potuit. Depriorum temeritate jahadum *Samu-*  
*el Maresius* Theologus Belga celebris ex Anticartesianorum  
 cordatiorum numero in Tractatu de *Abusu Philosophiae Cartesia-*  
*na*, & *Balthasar Bekker* in Admonitione candida & sincera de  
*Philosophia Cartesiana*, docuerunt eam non magis *Philosophiae ferendum*  
 aut effatis *Cartesii*, quamvis nonnunquam fortè paulo durioribus,  
 imputari debere, quam Aristotelicæ aut Platonicæ, hæretico-  
 rum omni ævo hac & ista pessimè abutentium, somnia: Posterio-  
 rum autem facile princeps est, in publicum prodire sed larvato  
 vultu, pronuper aulus, Author *Tractatus Theologico-Politicus*, in  
 quo certè ne scintillam quidem Politicæ prudentiæ, nedum Theo-  
 logicæ veritatis, sed ea principia reperias, quæ utramque pessun-  
 datura essent, si vires eundo acquirerent, quam certissimè.  
 Ejus scripti authorem esse Belgam quendam Spinozo *à Tassis* germe-  
 ne verbi divini semen in suo primùm, deinceps in aliorum quoq;  
 cordibus, opprimere & suffocare ausum ac paulò post vivis suis  
 coloribus porrò depingendum, cùm rumor non adeò incertus  
 ferat, nos certè facile consentientes habet, utpote qui non una in  
 his chartis legimus, quæ coram antehac audire nos meminimus  
 ex ore illius hominis, tum quidem nec Deitatis nec honestatis ex-  
 ternæ immemoris, at omnis veritatis revelatæ contemptoris  
 haut clancularii: Quemadmodum etiam in Praefatione dicti Li-  
 bri non obscurè Superstitionem & Christianam religionem pro  
 uno eodemque habet, & speciatim in ipso limine, Superstitiosos  
 illos, cum in periculis versantur & sibi auxilio esse nequeunt, votis  
 & lachrymis muliebribus divina auxilia implorare, impie dicit;  
 deinceps autem in opere iplo, Prophetas admodum raro ex *DBI*  
 revelatione, Apostolos forte nunquam, locutos, ac utrosque à le in-

3.  
*Cartesia-*  
*norum no-*  
*men in*  
*tertio si-*  
*gnificatu.*

*ex una*  
*parte non*  
*ferendum*

vicem frequentius dissentire, impudenter asserit; quæ de Adamo  
narrant in ipso Genes: principio S. literæ, parabolam esse credit,  
non historiam; Miraculi nomen non nisi respectivè ad hominum opini-  
ones intelligi posse & nihil aliud significare quam opus, cuius cau-  
sam naturalem exemplo alterius rei solite explicare non possumus,  
vel saltem ipse non potest, qui miraculum scribit aut narrat; Omnia  
quæ in Scriptura verè narrantur contigisse, ea secundum leges  
nature, & omnia necessariò contigisse, imò si quid reperiatur  
quod apodicticè demonstrari possit, legibus naturæ repugnare aut ex-  
iis consequi non potuisse, planè credendum id à sacrilegis hominibus  
sacris literis adjectum esse, absolute, sed & sacrilegè prorsus, conclu-  
dit: Providentiam nihil esse reverà preter naturæ ordinem: Poten-  
tiam naturæ esse ipsam divinam potentiam & virtutem; divinam  
autem potentiam esse ipsissimam DEI essentiam (è quibus quid aliud  
concludas quam DEUM & Naturæ ordinem sive potentiam huic  
hominis monstro nunc unum idemq; esse, maximè cùm eadem pa-  
gina infinitam dicat & illimitatam istam naturæ potentiam?) Lib-  
ros alios, quires optimas docent & narrant, quacunq; demum  
linguà & à quacunq; natione scripti fuerint, aq;que sacros esse, ac est  
illa quam sacram speciatim dicimus, Scriptura: Hanc porrò nun-  
quam aliquid expressis verbis affirmare vel negare contrarium ei  
quod in alio loco affirmavit vel negavit, temerè dictum ait, & hu-  
jus generis blasphemias eructat sexcentas alias.

## XII.

*Ex altera  
prorsus  
execrabi-  
le.*

Ubi quidem multūm interesse putamus, ut pius Le-  
ctor rectius edoceatur fontem & originem adeò fœdorum  
& execrandorum dogmatum, atque adeò sciat, hominem  
istum ( ut ex relatione fide dignorum hominum, imò ex  
ipiusore, habemus ) Judæis parentibus Amstelodami na-  
tum, ob causam ridiculam, de religione avita dubium primūm,  
dein è Synagoga trans fugam, Christianæ tamen religioni postea  
fidem nunquam aut nomen dedisse, sed hanc demum cum Judai-  
ca, Muhamedana & quavis alia pari loco reverentiaque habuisse,  
Alcorano, Talmudi & Sacris Bibliis communem in Bibliotheca  
sua locum affignare malitiosè solitum, ac, Veteris Testamenti  
Libros in primis ( de Novo, quod mirere, paulò modestius loque-  
batur ) homines non simplices tantum, verūm etiam impruden-  
tes & inconsideratos habuisse authores blasphemari nihil veri-  
tum.

p. 52.

p. 69. 70.

p. 77.

p. 131.

p. 168.

tum. Actum quidem, cùm nobis innotuisset, miserandus homuncio [inceßerat enim etiam nostrum, cum multis, animum, exoticum hoc animal videndi curiositas] in obscuro degebat, nec ausus execrandas opiniones suas evulgare, imò ne utile quidem id futurum ratus, quod illis contraria credere nemini nocivum esse posse ipsemet judicaret: postmodum autem enectus, ut audio, ab iis, quos nescio an fors inimica, an justa Nemesis, horrendo interitu tantum non in nihilum redegit, altum spirare cùm occoperit & publicis scriptis venenum haut adeò occultum amplius evomere, quinimò quod Amicus è Belgio pronuper redux pro certo retulit, per emissarios etiam longè lateque (pargere; non erat profectò tacendum istud, ne fortè perniciösissimas illas & Christianismum, imò religionem oīnneī, penitus evertentes opiniones sub specioso Philosophiae Cartesianæ nomine admitterent incautiores, aut huic ipsi, hoc calu profectò innocentissimæ, invidiam inde porrò creare, & per hujus latus omnem Philosophiam recentiorem ptingere, pergerent malevoli. Certum enim Primò est, Tractatus Theologici authorem ante, scilicet, laudatum, utut magni fecerit Cartesium, ejus Philosophiae tamen addictum non fuisse; siquidem non expressis tantum verbis & quasi gloriabundus dicere frequenter solebat, suæ Philosophiae principia (illa verò procul dubio tunc agitabat animo, quæ in allegato pessimo scripto vulgavit) à Cartesianis multum dissidere, sed & cùm quædam Metaphysica, Cartesii Meditationibus omnino consona, ante plusculos annos ederet, in opusculi præfatione solenniter est protestatus, ea se non ex propria, sed ex Cartesiamente, ad amici cuiusdam id speciatim expetentis preces, concinnâsse.

Deinde verò id indubium est & mox explicatiū ostendendum, nunquam ausum esse Cartesium in messem Theologicam immittere falcem suam, aut fidei articulos eaque quæ Sacra Scriptura revelat omnes naturæ rationisque humanæ vires exsuperantia, ad Philosophiae suæ principia examinare &, si cum ipsis non consentirent, negare aut in alienum sensum detorquere; quod faciunt isti, prioris quoque generis, *Pseudo-Cartesiani*, Cartesianorum nomine vel ob id ipsum indigni, quod non tantum præeuentem non habent Magistrum, sed prorsus contradicentem.

XIII.

*Vel ipso  
Cartesii  
judge.  
Dissent. de  
Method p. 5.*

a. LXXXVI.

num. XIV.  
XV. & seqq.  
pluribus.

num. XXIV.

num. XXV.

Obj. & Resp.  
II. p. m. 66.  
& 78.

Audite quælo, Theologastri audaculi, quæ passim in scriptis suis monet, quem tanti facitis, *Cartesius! Theologiam nostram, inquit, reverebar, nec minus quam quivis alius beatitudinis aeternæ compos fieri optabam.* Sed cum pro certo atque explorato acceptissimum, iter quod ad illam dicit doctrinæ non magis patere quam indebet, veritatesque à DEO revelatas (NB.) humani ingenii captum excedere, verebar ne in temeritatis crimen inciderem, si illas imbecillationis meæ examini subjecerem: Et quicunque iis recognoscendis atque interpretandis vacare audent, peculiari ad hoc DEI gratia inadigere ac supra vulgarium hominum sortem positi esse debet remibi videbantur. Primam autem Princip. Philol. partem his verbis concludit: *Præter cetera autem memoria nostræ pro summa regula est infigidendum, ea quæ nobis à DEO revelata sunt, ut omnium certissima esse credenda;* (NB.) & quamvis forte lumen rationis quam maximè clarum & evidens aliud quid nobis suggestere videtur, soli tamen autoritati divine potius, quam proprio nostro iudicio, fidem esse adhibendam: sed in iis, de quibus fides divina nihil nos docet, minimè decere hominem Philosophum aliquid pro vera assumere, quod verum esse nunquam perfexit. In ipsa porrò prima illa parte, postquam multa de DEO piè ac eruditè differuerisset, ac, perspicuum esse conclusisset, optimam philosophandi viam nos sequuturos, si ex ipsius DEI cognitione rerum ab eo creatarum explicationem deducere conemur, ita deinceps pergit: *Quod ut fatis tutò & sine errandi periculo aggrediamur, eâ nobis cautelâ est utendum, ut semper quam maximè recordemur, & DEUM, auctorem rerum esse infinitum, & nos omnino finitos.* Ita, si forte nobis DEUS de seipso, vel alii, aliquid revelet, quod naturales ingenii nostri vires excedat, qualia jam sunt mysteria incarnationis & Trinitatis, non recusabimus illa credere, quamvis non claram intelligamus; necullo modo mirabimur, multa esse tum in immensa ejus natura, tum etiam in rebus ab eo creatis, quæ captum nostrum excedant. Et, cum Theologi Parisienses isti Cartesii monito, quo volebat futurum Philosophum non assentiri nisi claram perspectis, objecissent res fidei ac omnem denique religionem Christianam, ita ipse inter cetera respondet: *Distinguendum est inter materiam sive rem ipsam cui assentimur, & rationem formalem, quam moveat voluntatem ad assentiendum.* Nam in hac sola ratione perspi-

perficuitatem requirimus. — Deinde notandum est, claritatem sive perficuitatem, à qua moveri potest nostra voluntas ad assentendum, duplē esse, aliam scilicet à lumine naturali, & aliam à gratia divina. Nam verò et si fides vulgo dicatur esse de obscuris, hoc tamen intelligitur tantum de re sive de materia circa quam versatur, non autem quod ratio formalis, propter quam rebus fidei assentimur, sit obscura: Nam contrà hac ratio formalis consistit in lumine quodam interno, quo à DEO supernaturaliter illustrati confidimus, ea que credenda proponuntur ab ipso esse revelata, & fieri placere non posse ut ille mentiantur: quod omni naturæ lumine certius est, & sepe etiam, propter lumen gratia, evidentius. Si hæc & similia alia non legeritis tantum apud Cartesium vestrum, qui Cartesiani audire vultis, sed & imitati fueritis, ita Philosophiam, naturalem præcipue, coletis, ut intactæ stent & inconcussæ res fidei, nec habeant occasionem Theologi Philosophiæ innocuæ impingendi, quod vestrum est, eâ abutentium, crimen; multò verò minus vel excitabitis ipsis, vel excitatas ab impotenteribus turbas calculo vestro approbabitis; maximè si id consilium lectati fueritis quod Regio discipulo dedit Magister Vester à nobis superiùs allegatum, & ea consideraveritis attentiùs quæ alibi de propriis suis opinionibus hunc in modum scribit: *Et idcirco leves istos atq. inquietos homines maximè odi, qui cùm nec à generè nec à fortuna vocati sint ad publicarum rerum administrationem, semper tamen in iis novi aliquid reformare meditantur. Et, si vel minimum quid in hoc scripto esse putarem, unde quis, me tali genere stultitia laborare, posset suspicari, nullo modo pati vellem ut vulgaretur.*

Dissert. de  
Meth. p. 9.

#### XIV.

Quod si quis infensior Cartesii adversarius his forte reponat: Ista quidem scripsisse Philosophum versutum, omnia interim alia animo suo tacite volvisse, intus & in occulto hæresium promotorum, immo atheum; is quidem responsi loco illud primùm habeat, quod ipse met Cartesius, cùm similia quædam de se circumferri audiisset, ad H. Regium discipulum suum familiariter perscripsit: *Maxima mibi injuria sit ab illis, qui me aliqua de re aliter scripsiſſe, quām ſenſiſſe, ſuſpicantur, ipſoſq. ſi, qui ſint, ſcirem, non poſſem non habere pro inimicis: tacere quidem in tempore, ac non o mnia quæ ſentimus ultrò proferre, prudentis eſt; aliquid autem à ſententia ſua alienum, nemine urgente, ſcribere lectoribusq. per- C ſuadere*

Ep. XCIX.  
Part. I.

Epist. ad Ce  
 leb. V. D.  
 Gisb. Voe.  
 &c.  
 Adm. Meth.  
 novæ Phil.  
 Ren. Des.  
 Cart. p. 261.  
 Med. Epist.  
 Ded. p. 1. f. 2.  
 Med. V. pag.  
 p. 33.

*fundere tonari, abjecti & improbi hominis esse putor: quibus jungantur ea quæ circa Atheismum ac cætera à Voetio & a seclis sibi objectum p. 78. ita crimina regessit, prolixiora quidem quæm quæ huc transscribi possint. Deinde verò, cum hi ipsi ejus hostes, eo ipso loco quo Atheismi suspectum eum reddere allaborant, fateantur, si verbæ virtutem semper arguerent, iisq. tuto fides adhiberi deberet (NB.) ab Atheismi levissima etiam suspicione hominem hunc fore alienissimum, ac certè, præter ea, quæ superius adduximus, alia loca innumera inscriptis Cartesi reperiantur, in quibus de DEO, de mente humana, de cœteris quoque rebus religionem ac fidem attinentibus, non modestè tantum sed piè loquitur, maximè cum existentiam DEI adeò facilem esse cognitu probat è Scripturis patiter ac naturali lumine, ut eam inter axiomata ac prima principia reponat, æquè manifestum ex ipsis terminis arguens DEUM existere, h. e. (quæ sit vocis recepta ubique significatio) conceptum entis summè perfecti inter perfectiones cœteras existentiam, ac necessariam quidem primariò involvere, quæm Triangulum habere tres angulos &c. & ea omnia, quæ vulgo jactantur ab Atheis ad existentiā DEI impugnandam, semper ex eo pendere quod vel humani affectus DEO affingantur, vel mentibus nostris tanta vis & sapientia arrogetur, ut, quidnam DEUS facere posset ac debeat, determinare & comprehendere conemur, adeò ut, modo tantum memores simus mentes nostras considerandas esse ut finitas, DEUM autem ut incomprehensibilem & infinitum, nullam ista difficultatem sint nobis paritura &c. prudenter & religiose monet: cum, inquam, ex ejus scriptis hostem potius Atheismi quæm Atheum-judicare oporteat, temerarium protectò, nostro judicio, foret (ut lenissime loquamur) de homine extero Nobilique profapia oriundo, qui vitam solitariam ac Philosophicam aulicis voluptatibus ac ei vitæ generi, cui exercendi & propagandi Atheismi porta latissima patuisset, prætulit, oppositum nobis persuadere & occultum atheismum suspicari velle; quod hodie quidem multi faciunt, non tam ex certo vel probabili quodam indicio aut ex malitia quadam sua, quæm abrepti aliorum, Voetii maximè Schoockiique scriptis Anti-Cartesianis, quorum scopum tamen vindictam fuisse cordatus quisque. Lector facile, vel ex una Præfatione Methodi Admirandæ, judicat. Evidem an adverba iis quæ scripsit Renatus Des-Cartes occulto pectoris scrinio clauerit, indubie nobis*

nobis & infallibiliter constare non magis potest quam de quibus-  
cunque aliis nostri seculi scriptoribus , utpote quod unius DEI  
~~καρδιῶν~~ opus est ac proprium : exinde verò , Scepticis , En-  
thusiasmi , Atheismi , ac nescio quorum porrò criminum se ipsa  
mutuo evertentium ( quis enim Enthusiasmam eundem & Athe-  
um concipiat ? ) suspectum statim reddere hominem si liceat ,  
nusquam tandem tuta erit viri vel honestissimi fama & innocentia . Nobis autem , quoties in hanc refutandi compendiosam , at  
pudendam insimul , methodum , hoc ævo proh dolor ! multis  
etiam cum maximo ecclesiæ Christianæ scandalô , familiarem in-  
cidimus , ante oculos perpetuo versatur illud ethnici Scriptoris ef-  
fatum laudatissimum : *Ut quisque est Vir Optimus, ita difficillime esse  
alios improbos suspicatur !*

XV.

Cic. Lib. I.  
ad Qu. Fr.  
Epist. I.

E quibus porrò jam satis , puto , manifestum est , si *Cartesia-  
norum* nomen illi omnes mereri putentur hostibus Cartesii capi-  
talibus , aut Cartesianis mihi suspecti saltem sint , qui cum ipsis in con-  
vicia diffluere , Scepticis , Enthusiasmi , Atheismi , aliorumque  
infandorum scelerum notam , DEUM hominumq; fidem contrâte-  
stantibus , ex mera suspicandi libidine , inurere , vel etiam quicquid  
sive boni sive mali habuerit ista Philolophia promiscue rejicere ac  
pedibus conculcare nolint ; id quidem nominis effugere nos haut-  
quaquam posse , imò ne velle quidem ; ut qui malimus etiam im-  
meriti vocari in partem aliquam odii plusquam Vatiniani , quo  
multi oderunt vix notum de nomine Philolophum , quam conse-  
ctando sibilis & convitiis , talia nostrâ opinione , nunquam meri-  
tum , parvos in philosophicorum præceptorum ( ne dicam chari-  
tatis Christianæ ) exercitio progressus , & à malis bona discernen-  
di impotentiam , prodere . Nunquam profecto placuit inconsi-  
deratus eorum impetus aut , ut durius loquar , insolentia ac de-  
mentia , qui Aristotelem non rejiciunt modò ac refutant , sed ut  
hominem nihil , qui nihil unquam pronunciaverit , quod cum recta  
ratione consentiat &c. passim traducunt : placuit autem imprimis  
moderatum ac circumspectum Honorati Fabri de Philolopho isto  
judicium , quando , *Aristotelem in quibusdam non sequi , prudentis  
est , inquit , passim refellere , imprudentis ; in omnibus ipsi adhærere ,*  
*& in singula ejus verbajurare simplicis & creduli ; passim rejicere ,  
carpere , mordere , invidi ac arrogantis ; sed despici & nullo inter  
Philosophos loco habere , insani profecto atq; dementis est .* Sic , in-

4.  
*Cartesia-  
nismus  
laudabi-  
lis.*

Phys. Tract.  
V. Lib. I.  
Prop. CLXI.  
in fine.

C 2

quam,

quam, de Aristotele (in medio adeò hoc Cartesianismo nostro etiamnum *Aristotelici*) constanter sentimus, homine gentilis licet & extra salutis pomæria nato, quem etiam τὰν ὁλῶν & νοῦσαι τὸν πατέρα, sed DEUM θυχὴν τὰς πάντας fecisse Clemens Alexandrinus est testatus, quem Providentiam divinam non agnovisse statuerunt *Dan. Heinsius* & *Gerhardus Job. Vossius*, Viri Celeberrimi, quos ante jam olim *Origenes* ob eandem causam infra Epicurum ponere ipsum non dubitavit; quem præparato veneno Alexandrum Magnum per Antipatrum fultulisse *Bassianus Caracalla* credidit, ejus ideo scripta omnia funditus deleturus, *Plutarchus* etiam in *Alexandro*, *Arriano* lib. VII. ac *Plinio* Lib. XXX. cap. VII. p. 278. ult. de tanto crimine testantibus; quem ipsi Amici ac domestici,

qui cæteroquin eum in Philosophando principem laudant, ita de *Ioh. Casii* „ Naturæ viribus & arcanis differentem, ut nemo acutius, sic de Speculo „ monfrantem ut nemo accuratius, sic defendantem ut nemo fortius &c. insimul tamen in refutando Camelum dicunt, illos cal-  
Lib. I. cap. „ cibus invidiæ petere solitum, è quorum uberibus nectar Philoso-  
Hornio „ phiae luxefat, &, cum refellit, aut verbum mutare aut invertere  
Lib. VII. „ sententiam, aut novam fingere, &, quasi Herculem cum Pygmæo,  
Phil. Hist. „ cum umbra, de lana caprina cerrare, fatentur; quem denique an-  
cap. IX. p. „ no ætatis sexagesimo secundo Athenis ab *Erimedonte* ἀριθμίας ac-  
363. quem „ cusatum, quod Hermia Eunicho velut Apollini, pæana cecinis-  
Vide etiam „ set, ac Pythiadi uxori, tanquam Cereri, sacrificâsset, solum vertisse  
Lib. III. cap. „ & è Chalcide Oratione Apologetica judicibus frustrâ transmissâ, XV. p. 197. „ nihilominus ad judicium vocatum cicutam bibisse, de audaciæ  
& Vossium „ porro, voracitatis, ebriositatis, procacitatis, avaritiæ, superbiæq;  
de Sectis. „ vitio ac nefando denique παιδεγασίας crimine apud Suidam aliosq;  
Philos. cap. „ (verè an falso, novit is qui omnia novit) incusatum, docet *Franciscus Patricius*, cum cæteroqui Virum ingenii acutissimi & in studi-  
XVII. p. 6. „ Tom. I. Lib. is φιλοσοφώτατον fuisse, antiquorum libros omnes evolvisse, ipsum quoque εὐφετικώτατον atque αἰτιολογικώτατον, de suo testatus. Quid-  
ni verò *Cartesius* similiter inter acutiores Philosophos locum con-  
cedere liceat, & quædam ejus laudare tanquam ingeniosè inventa,  
quibusdam etiam spretis ac rejectis; verbo, sic de ipso sentire,  
prout ante de Aristotele sensimus? nihil moratis eos qui cum *Voe-  
tio* & *Schookio* ipsum cum subtilissimo Atheismi Patrono & Aposto-  
lo *Cesare Vanino*, qui Tholosæ publicè combustus est, comparare,  
aut, cum aliis moderatioribus, Atheis saltem temporariis annu-  
merare

merare vel aliunde ineptiarum, mendaciorum, superbiæ, hypocrites ac vitiorum similium complurium arguere, non dubitârunt; cum interim is religionem Christianam, et si Pontificiam, aperte & publicè professus, in repellendis à se atrocissimis istis criminationibus modestum admodum se gerat, uti Philosophum & Christianum decet, ac ab aliis moderatiорibus suis Adversariis non solum ab illis vacuuus judicetur, sed multis etiam laudibus & encomiis subinde exornetur? *Samuel Maresius* certè in Dissert. Theol. de *Abusu Philosophiae Cartesiana surrepente & vitando in rebus Theologicis ac fidei*, multa rejicit Cartesii statuta, illius Philosophemata nunquā censet admittēndā sine delectu, multa incautius dicta & limam Theologicæ ~~augustinianæ~~ non sustinentia, per paragraphos complures, nominatim 26, 27. & seqq. ad 40. usq; cordatè refellit; multa tamen etiam multis laudibus extollit, ac totius Dissertationis suæ hoc facit initium: *Renatus Cartesius, gente Gallicus, provinciâ Armoricus, genere nobilis, jure merito inter summa nostri seculi ornamenta est reponendus. Insignis fuit Mathematicus, ut, cum qui dixerit hujus eri Archimedem, non satis dixisse videatur.* Et cum Scepticis obviam ire vellet, heroicum aggressus est consilium, procedendi in rerum physicarum disquisitione methodo mathematicâ, & Phenomena Natura, si potis esset, per geometricas demonstrationes explicandi. Licet autem sui voti damnatus per omnia non fuerit, cum in magnis satis sit voluisse, generosi ejus in eo conatus suâ laude dignissimi sunt. Nec dubitem quin multò longius & explicatiū in natura mysteriis enucleandis fuisset processurus, nisi defuerint sumptus necessarii &c. — Optimè illum in multis meritum fuisse de publico qui negaverit (NB.) is vel malitiosa invida & vespina ignorantia & justum stigma non poterit declinare. Subjecto verò brevi & nervoso ejus elogio è cap. 21. art. 5. Tom. II. *Itagoges Generalis ad Hist. Joh. Baptista de Rocoles Historiographi Regii*, ita pergit §. 3. Prout autem in hunc usq; diem mibi granular, quod gavisus fuerim illius Herois & notitiâ & amicitiâ quo ad vixit, sic nunquam me pœnitabit aliquid ad honoris sui propugnationem & vindicias contulisse, &c. in quibus ait sperasse te Cartesii ad religionem Evangelicam transitum, nisi per quorundam Antistitum rixas tuisset factus ab ea alienior. Iplemet Admirandæ methodi author, quo nemo unquam in Cartesium inventus est vehementius aut dixit contumeliosius, non potuit tamen non immi-

p. 10. immiscere mediis convitiis hæc verba : *Internas dotes, si iis tenebras non laboraret offundere, prædicaremus ipsi: ingeniosum enim quis eum esse neget?* Et Reinerus Vogelsang, inter Adverarios Cartesii nequaquam mitissimus, in *Indignatione justa* : *Verum enim vero, ait, de dubitatione Cartesiana que disputata sunt hactenus, non in eam partem rapi velim, quasi nimirum cordi mihi sit univer- sim aut promiscue suspectare reddere Cartesii Philosophemata, vel con- temptum illi, si qua possam, conciliare.* *Agnosco Viri Sagax ingentium, qui non pauca certè, tanquam ex adyto pectoris edidit egregia responsa*

*Certius & rectè multò ratione magis, quam Pythia quæ tripode è Phæbī laurūq; profata unquam fuit. Itaq; non parum errat meo iudicio, qui non illum ha- beat pro Philosopho non infimi subsellii.*

p.m. 47. Ita primarum in Medit. Cartesianas Objectionum Author (quem doctum quendam Fœderati Belgii Theologum esse Ty- graphus indicat immediatè ante objectiones V.tas) ad Colle- gas & Amicos suos hæc prescribit : *Est sanè Dn. Cartesius, quan- tum animadvero, Vir ingenii maximi, summaq; modestia, quales velipse Momus amet si aiasit.* Antonius Arnaldus, Doctor Theo- logiæ Sorbonicus, Author IVtarum Objectionum (è quibus evi- dens est quām in multis à Cartesio dissentiat) sub initium epistolæ ad Virum Clarissimum, *Quid enim vis Ibi?* scribit : *Meum de Authore judicium non expectas, cuius summam ingenii vim erudi- tionemq; singularem quanti faciam, jam pridem nosti.* JOH. BAPT. du Hamel, perpetuus ferè, at moderatus, Cartesii in Va- riis suis scriptis Antagonista, fusiùs tamen ejus Philosophiam ac methodum Philolophandi laudat de Conlensu Vet. ac Novæ Phi- los Lib. I. Cap. ult. ac ita tandem concludit : *Hec idcirco de Car- tesii Philosophia præfatus sum, quod eam à me damnari & invisam quoq; haberinonnulli existiment : idq; ex Dialogis quos non ita pri- dem in lucem emisi [de Meteoris puta & Fossilibus, in quibus Car- tesii hypotheses haut raro satis rigidè perstringuntur] At nus- quam, quod meminerim, Simplicius, qui primas inter collocutores te- net, sed Theophilus tantum vulgari Philosophia addicetus, Cartesium, ut reliquos recentiores, infectatur. Ingeniosissimo autem huic Gallo meritò jungimus acutissimum Anglum Heinricum Morum, cuius utriusque una ferè methodus est ac studium idem, urgendi hinc*

hinc inde Cartesii Philosophemata magnis certè dubiis ac difficultatibus, prout vel ex uno hujus *Enchiridio Metaphysico* videre est. Attamen incorruptum ejusdem de Philol. Cartesiana judicium si quis desideraverit, id quidem legere licebit ex Epist. ad V. C Anno 1664. Londini typis expressa; in qua, postquam non paucos Cartesianæ Philosophiæ defectus adnotâsse, & ad tria potissimum causarum genera modestè revocâsse, quidquid uspiam lapsus es-  
set Cartesius; §. 12. ac 13. tandem multis probat injustè Cartesiu-  
m ab imperitis vulgò Atheismi insimulari, existentiam DEI  
ipsum perfectissimâ demonstratione probâsse, de animæ immor-  
talitate rectè & sincerè sensisse &c. tandemque pag. 19. sic conclu-  
dit: *Nihil igitur restat, quod sciam, ob quod Cartesius Atheismi  
suspectus esse possit, nisi quod meritò audiat omnium Philosophorum  
Præcellentissimus.* Est enim fanaticum quoddam genus hominum,  
qui, quanto quis Sapientior sit Naturæ, consultior, tanto eum sem-  
per autumant ab omni religione alieniore. De progressibus au-  
tem ejusdem in Philosophia Naturali sic judicat p. 33. *Aliiquid  
autem in rebus naturalibus sciri posse tam clarè edocuit Cartesius,  
ut nemo sit qui de eo dubitet quin de Mathematicis demonstracioni-  
bus eundem necesse sit dubitare.* Imò verò, ut liberius dicam excussâ  
hac injuriajā modestiâ ac sepositâ, si intra communes utriusq. Philosó-  
phia limites nos contineamus, tantundem scivisse Cartesium sta-  
tuere oportet in investigandis Natura causis, quantum ignoravit  
Aristoteles.

## XVI.

Ecquid autem hæc Cartesii & Philosophiæ Cartesianæ elo-  
gia hoc congeffimus, si tanti non sunt ista nomina ut ipsis nostra  
subscribere, & augere Sectæ numerum, dignemur? Equidem, si  
propositum nobis fuisset Philosophiæ illi ejusque Authori Pan-  
egyricos conscribere, ea hic accumulanda fuissent encomia, quæ  
de *Geometria Cartesii*, stupendo certè opusculo, passim circumfe-  
runtur, ea hoc transcribenda monumenta egregia, quæ denato  
in Suecia Renato, Holmiæ quidem Christianissimi Regis LUDO-  
VICI XIV. Legatus Ordinarius Petrus Chanut, Lugduni-Bata-  
vorum autem *Marcus Zuerius Boxhornius*, posuerunt; colligenda  
porro, quæ in laudem demortui ad Amicos Holmiæ prescripsit  
Laudatissimus modò Chanutus, quæ ad viventis etiamnum effi-  
giem Nobilissimus *Hugenius* subscriptis; implendæ denique hæ  
pagellæ

Vid. Daniel  
Lipstorp.  
Spec. Philos.  
Cartes. p. 89.  
seqq.

pagellæ cumulatissimis illis laudibus , quibus ejus discipuli tantum non ad cœlos extulerunt Magistrum suum. Enimvero, uti solent plerumque hujus generis encomia domestica modum excedere , ex affectu amoris exsuperante profecta , & ex adverso calumniarum nomen vix effugere quæ ab iis in oppositum dicuntur , quibus vindictæ cupidio calamum acuit , aut invidia; ita , quæ mediæ es- sent generis testimonia , iis authoribus prognata , qui Cartesii dog- mata non approbarent promiscuè cœco hominis amore abrepti , nec odio inconsiderato ducti damnarent omnia , ea verò omnium visa sunt fide dignissima , & ad præfens hoc institutum nostrum apprimè facientia; uti nempe constaret Viris cordatis ac de existi- matione famaque proximi , etiam ignoti , etiam exteri , etiam ad- versarii , prudenter & ex æquo statuere doctis , nec usque adeò nihili hominem fuisse Cartesium , nec adeò execrandam ejus Phi- losophiam esse , uti quidem vulgo ex aliorum ore vociferantur ii plerumque qui neque quis , aut qualis , fuerit homo ille , unquam habuere perspectum , neque scriptorum ejus quidquam , præter primam fortè Meditationum paginam legerunt . Hæc ipsa vero , quæ sic constare Lectori cordato exoptamus , aliâ planè fini , quam ut exosissimæ lectæ patrocinium susciperemus , adducta sunt : Scilicet (qui est scopus præsentis dissertationis unicus) ut *καχεραν* illam omnino tandem excuteremus aliquorum manibus , quæ Philosophiam Cartesianam confodere dum connituntur , insi- mul omnis recentioris Philosophiæ jugulum petunt .

## XVII.

*s.*  
*Cartesia-  
ni prorsus  
abusivè  
sic dicti.*

Nimirum , ut ultimam vocis *Cartesianorum* significationem nunc expendamus , eò res venit hodiè , ut , è crassissima quadam ignorantia , nonnulli promiscuè pro Cartesianis statim habeant & proclament eos omnes , qui desierunt esse Aristotelici , vel , ne de- serto quidem penitus Aristotele , à quibusdam saltem ejus decre- tis , manifestâ veritate convicti , discedunt ; id quod ufu nuper ad- modum venit *Honorato Fabry* Jesuitæ , qui , cùm pro Aristotelis autoritate ac hypothesisib⁹ , quantum quidem citra notam im- prudentiæ fieri potest , assidue decertet inter recentiores , neceſſe tamen habuit epistolâ in publicum emissâ inustam sibi ab imperi- toribus *Cartesianismi* maculam eluere . Scilicet , ab Aristotele cùm nemo luculentius & cum majore occurrentium undiq; asse- clarum applausu discessiōnem fecisset quam *Cartesius* , vix aliquā tamen

tamen facta, nedum in honorifica, mentione Aristotelis, nec refutatis ullibi ex professo ejus hypothesis, dum alii jam ante Viri celebres & magni, *Verulamius*, *Gassendus* & horum similes, in Philosophiam Aristotelicam acerbissime invecti, a capite ad calcem ferè institutâ severâ anatome, singula ejus membra concerperant, errores ejus & absurditates totis plaustris dimensi; non in hos, et si crudeliores multò Magistri adversarios, sed in illum istis feliciorem, oculos & arma converterunt omnes, ita non immerito quibusdam ex invidia magis quam ex justo, ob illatam Philosophiaæ ipsorum injuriam, dolore pugnare visi. Ex eo tempore non nisi *Cartesiana Philosophia* in omnium ore & plurimorum odio erat, ac ea quidem rerum facies, ut mutata servitus, non sublata, & in loco dejecti solii Stagiræ thronū erexisse *Des-Cartes* videretur. sic ut per succendentia tempora multi, afferendæ vindicandæque Aristoteli suo tot seculorum dignitati unicè intenti, nec tam legere recentiorum scripta quam delere ac æternū expungere parati, non aliam porro philosophantium differentiam agnoscerent quam Aristotelicorum ex una, & Cartesianorum ex altera parte: atque adeò etiamnum hodie, progresuum eorum, quos haec tenus in Anglia, Gallia, Italia & in media Germania fecit Philosophia, Naturalis præsertim, ignari, quicquid in lucem editum, dictum, scriptumve vel obiter inaudierint, quod à Peripateticæ Philosophiaæ fundamentis dissentiat, id Cartesianum esse statim clamarent, vel ex ea sola ratione, quod Aristotelicum non sit. Verum, ô Mei, quod in spem ac solatium vestrum affero latum nuncium, non obtinuit, quam affectasse videri poterat, autoritatem illam Dictatoriam Cartesiana Philosophia, quam Vester Peripatus tot leculis effulgit, ac cessant indies magis magisque Viri Philosophi esse non Aristotelici tantum, sed etiam Cartesiani, imò cordatores plerique, cum esse Aristotelici semel desierint, abire in Cartesianos aut uni certæ sectæ se addicere, nunquam possunt. Posteaquam enim, apertis tandem oculis & remoto perniciose in Philosophia credulitatis glaucomate, ipso Sole clarius viderunt, non valuisse unum Aristotelis ingenium omnem Naturæ immensitatem emetiri, iidem nunc iisdem oculis evidentissime vident, *Philoso-*  
*phorum* non magis rei tantæ unum Cartesium, quam unum Aristotelem, *genus O-*  
*ptimum.* consiliis invicem manus se ducere in eruendis Naturæ arcanis ma-

lint, quām ducem unum cœcā sequi obedientia, tot oculis plura  
vīluri quām uno; adeò ut ex eorum numero, qui post Cartesii tem-  
pora cum laude alīqua philosophantur, pauī illimos sis reperturus  
Cartesianos. Habet mehercē! Gallia, præter *Gassendi* sui asse-  
clas, cum decenti tamen libertate, innumeros & Philosophiæ  
Cartesianæ in quamplurimis adversarios, etiam *Hamelios*, *Fabros*,  
*Chambras*, *Auzutos*, *Petitos*, qui, ut magni faciant aut non con-  
temnant saltem ingeniosa Cartesii cogitata, in iis unis tamē ut ad-  
quiescant, impetrare à se nunquam possunt: Effert Anglia Magnum  
suum *Baconem Verulamium*, ejusque prudentissima provehendæ  
Philosophiæ consilia potius initā in eum finem ex instituto Regis  
laudabili Societate, certatim exsequuntur *Boylī*, *Hookī*, *Wrenī*,  
*Louverī*, *Mori*, & novis subinde domi forisque, regio quoque  
sumtu, faciendis experimentis excolendæ indies Philosophiæ in-  
cumbunt magis, quām excultam & perfectam à Cartesio cre-  
dunt; et si multum & hunc contulisse non inficiuntur: Fovet Ita-  
lia quoque suos *Campanos*, *Cassinos*, *Malpighios*, *Montanarios*, *La-  
nas*, *Barbatos*: Ostentat Dania *Bartholinos*, *Borrichios*, *Stenonios*;  
genuitque Germania quoque nostra *Kircheros*, *Guerickios*, *Schot-  
tos*, *Weigelios*, *Eckardos*, *Majores*, *Reyheros*, aliasque, qui Natu-  
ralis Philosophiæ augmentis multum de suo quotidie adjiciunt, de  
Cartesio non magis quām de Aristotele solliciti. Nimirum id  
ævinunc degimus ( sit Laus & Gloria pacis amantissimo Numi-  
ni!) quo non amplius pro Sectæ aut Dicis honore magis, quām  
pro sancta veritate, pugnare convitiando & calumniando so-  
lent Philosophi, sed pro una veritate maximē solliciti plerique, al-  
teri alterorum inventa & cogitata placidè modesteq; examinant,  
ex optimis optima feligunt, sua; pro suo quisque modulo superad-  
dentes, ac misā adeò factā Philosophiā lectariā omni, Eclecti-  
cam colentes; quam unam esse veram & genuinam philosophan-  
di rationem alio die, si volet DE IIS, uberiū ac pleniū demon-  
strabimus.

## XVIII.

*6.*  
*Totius*  
*Disserta-*  
*tionis bre-*  
*wiarum.* Hæc itaque præsentis Dissertationis nostræ summa esto: In  
Philosophia Naturali ( de reliqua namque statuant alii, quibus ibi  
plus juris est ) Dictatorem agnoscí nec Aristotelem volumus ab-  
scondere, nec Cartesium, nec ullum denique vel inge-  
niosissimum Philosophum. Natura namque adeò dives est ope-  
rum divinorum ac stupendorum, ut injuriam ipsi, & Authori ejus  
poten-

potentissimo sapientissimoque, inferre meritò videatur sanæ &  
 non p̄t̄e occupatæ rationi, qui causas eorum & rationes omnibus  
 numeris absolutas ab angusto unius hominis cerebro non capi  
 tantum, sed erui, inveniri, evolvi potuisse credit. Quinimò hoc  
 tantum opus intra hominum junctim omnium vires positum  
 reputantes, id agimus unicè pro virili nostra, ut ex iis causis  
 quæ singulis Naturæ phænomenis hactenus assignata lunt, sive ab  
 antiquis sive à recentioribus Philosophis, optimas & convenien-  
 tissimas quasque hinc inde feligamus, quæ certæ sint & explora-  
 tæ, quæ vero tantum similes, quæ minus aptæ denique aut nullæ  
 videantur, placidè modesteque moneamus; neminem adeò Phi-  
 lophorum prorsus aspernandum (vix enim est, qui non vel uno  
 invento aut ingeniolo cogitato laudem sibi promoverit,) nemini-  
 nem, quod vel Aristoteli vel Cartesio repugnet, aut nostris ipso-  
 rummet hypothesis moderatè adveretur, ideo prosequendum  
 odio aut convitiis proscindendum existimantes, sed econtrà Phi-  
 losophiæ Cultores ingenuos ab anilibus ipsis ac homine, nedum  
 Philosopho, maximè verò Christiano, indignissimis altercationi-  
 bus, putidaque illa ac in omnem rem literariam publicamque in-  
 juria ac perniciosissima rixandi & calumniandi libidine, quantum  
 in nobis est, avocare omni studio cōnitentes. Multa Platonem,  
 multa Democritum, Epicurum ac cæteros antiquiores Philoso-  
 phos, Aristotelem etiam non pauca, de Natura & naturalibus re-  
 stè & prudenter statuisse, subinde docemus; & si plus veri ac cer-  
 ti hoc nostro Seculo, quam superioribus, circa coelestia pariter ac  
 terrestria Phænomena, detectum dicimus, ita tamen id dicimus,  
 ut non tam ingenium ipsis ac laborum tolerantiam, quam ea organa,  
 eamque experimentandi methodum ac media, quibus moder-  
 ni Philosophi adeò feliciter utuntur, defuisse candidè moneamus:  
 Vim inferri simplicitati fidei à subtilitate Philosophica nec aliás  
 unquam probavimus & ex eo tempore maximè doluimus, quo  
 rudiorem plebeculam *naturæ* & ab ea simplicitatis in creden-  
 do necessitatem ac utilitatem discere divinitus nobis contigit,  
 idque monere & inculcare cum aliorum potius nunc quam no-  
 strum munus sit, non cessavimus tamen hactenus vel exemplo  
 nostro docere Academicos auditores nostros, quam reverenter  
 habenda sint cœlitus revelata & quam non temere, è Philosophia  
 in Theologiam transfiliendum aut modus aliquis loquendi novus

ac subtilior, in Philosophia licet tolerabilis ac fortè non inutilis,  
ad res fidei statim transferendus sit ; ut qui pro cathedra nun-  
quam, in sermone familiari rarissimè, majoris momenti contro-  
versias Theologicas attingimus, earum inde rerum non nemini  
fortè prorsus signari, nec invitè, visi. In Sacrosanctis divinarum  
literarum mysteriis exclusam prorsus volumus affectatam frustrà  
& inutiliter *Scientiam*, ac dominari simplicem ac piam Fidem, di-  
centis quippe infallibilitate firmissimè nixam : In eruendis Na-  
curæ arcans, horumque causis prælertim eruendis, *Scientiam* quæ-  
rimus unicè & exultare *Fidem* jubemus, ob dicentium fallibilita-  
tem quippe incertam ac nullius pretii ; atque adeò, si quid vel ab  
Aristotele aut alio ex antiquioribus rectè dictum, vel à Cartesio  
aut alio quopiam è recentioribus verius certiusqué edoctum lau-  
damus, nunquam id quidem ideò, quod aut Aristoteles, aut Car-  
tesius, aut quisvis denique alias, sed quod, quisquis tandem dixe-  
rit, ingeniose & cum ratione dixerit, laudamus : ita nostras à Se-  
cunda Philosophia, quantum in nobis est abducentes, & ex ad-  
verso volentes ipsis commendatissimam ac deamandam  
unice Eclecticam.

## T A N T U M.

---

*Ne vacua esset residua pagella, sequentia placuit*  
*subnectere*

## COROLLARIA.

I. Eò dementiæ, proh dolor ! hodie processit vana quo-  
quadam temeritas, ut, vel ingeniosi vel Illustri loco nati  
videri gestientes, Atheismum aut stultè simulent, aut impu-  
denter etiam profiteantur, tanquam proprium magnis  
animis & ingeniis. Nobis autem contrâ planè persuasum  
est : Ex homine sanâ ratione prædicto fieri Atheum non  
antè posse, quamvis in equum aut mulum degeneraverit.

*Mundo exesse DEUM, est vox bovis, baut hominis !*

II. Non

II. Non solum enim rō , rō , rō bē manifestum est in omnium hominum mentibus ; sed è corporis humani quoque , imò brutorum quorumcunque fabrica ( de cœteris universi admirandis nihil dicam ) nēdīos ēwē dūraqus noi deibns nadopātai , ut Apostoli verba quædam nostra faciamus : Imò vel in uno oculo ipsis oculis quāsi videre DEUM licet .

III. Quod Aristoteles dicit Lib. III. de An. t. 6. Intellectus sive mentis nullum esse organon, intellige, quo utatur in operationibus propriis; id vero nobis indubium est & exploratissimum.

IV. Est enim anima rationalis non immateriata & incorporea tantum, sed & immaterialis & inorganica.

V. Quemadmodum ex opposito brutorum anima non materialis tantum & organica, sed & materiata, & corpus quoddam, est.

*Nomina, qua, si non omnia, multa docent.  
Nec tua nos urit DES-CARTES, gloria ! Ser-*

*Qui tibi, qui ve istis nos velit, is valeat.  
Sic animum induxti KRAUSSI: sic pergit: Namq;  
Hoc est antiquos cum ratione sequi.*

Multa eruditione, animi probitate, de-  
centiæ, erga Veteres pariter ac mo-  
dernos Sapientes reverentiâ conspi-  
cua Domino Respondenti, Amico  
suo Dulcissimo. applaudit

**PRÆSES.**

Carte-

¶¶¶( 30. ) ¶¶¶

Cartesianus avay.

**C**arus aniste siet, quem consuetudo loquendi  
Plebeja nunc *Cartesianum* nuncupat,  
Difficile est dictu. Prius *ansectorius* ille  
Sit, sciscitare; tumque jure vapulet.  
*Quam\* vilius sectator enim, qui naufragat iste;*  
Si quid Stagiræam salivam non sapit;  
Tam *vanis certas* studiis, velut ostrea faxo  
Si quando soli adhæreas Cartesio.  
Dente Theonino sed qui modò rodere nolit  
Cartesium, unde sape *nattus seria*  
(Cùm tamen in cunctis palmarum non deferat illi.  
Verumque malit quam Virum sectarier)  
Non magis is carpensus erit, convicia quam si  
Vibrare nolit in Stagiræum Senem.  
At si quem *nutaresias* in rebus apertis;  
Is pessimus *Cartesianus* audiat.  
*Quæ Tu, qui certis navas, doctissime Krausii,*  
Dum permodestè & eruditè disputas,  
*Curâsti sanè feliciter id, quod amica*  
Jam visa dudum postulare veritas.  
Tu maledicta cave; Tu *certa sanius* inter  
Dissentientes, *sana scire* Tu stude.

Sic felicissimis Eximii Dn. Respondentis,  
Amici exstutissimi, conatibus ap-  
plaudit

M. G. P. Rötenbeccius Alumn. Noric.  
& Oeon. Inspector.

...¶¶¶( 30. ) ¶¶¶...

